



ԵՐԵՎԱՆԻ
ԿԵՆՂԱՆԱԲԱՆԱԿԱՆ
ԱՅԳԻ

N ԵՔԿԱ-ՄԱ-23/06

25.12.2023թ.

Ո Ր Ո Շ ՈՒ Մ

«ԵՐԱՆԻ ԿԵՆՂԱՆԱԲԱՆԱԿԱՆ ԱՅԳԻ» ՀՈԱԿ-Ի ՏՆՕՐԵՆԻ Ժ/Պ-Ի

ԳՆՈՒՄՆԵՐԻ ԳՈՐԾԸՆԹԱՑԻՆ ՄԱՍՆԱԿՑԵԼՈՒ ԻՐԱՎՈՒՆՔ ՉՈՒՆԵՑՈՂ
ՄԱՍՆԱԿԻՑՆԵՐԻ ՑՈՒՑԱԿՈՒՄ ՄԱՍՆԱԿԻՑ ՆԵՐԱՌԵԼՈՒ ՄԱՍԻՆ

Ղեկավարվելով «Գնումների մասին» ՀՀ օրենքի (այսուհետ՝ Օրենք) 6-րդ հոդվածի 2-րդ մասով և հիմք ընդունելով ԵՔԿԱ-ԳՀԾՁԲ-23/37 ծածկագրով գնման ընթացակարգի գնահատող հանձնաժողովի նախագահի 2023 թվականի դեկտեմբերի 25-ի զեկուցագիրը՝

ՊԱՐԶԵՑԻ

1. Գնահատող հանձնաժողովի նախագահի ներկայացրած փաստերը և պահանջը.

Գնահատող հանձնաժողովի նախագահը «Երևանի կենդանաբանական այգի» ՀՈԱԿ-ի տնօրենի ժ/պ-ին (այսուհետ՝ Պատվիրատուի ղեկավար) ուղղված 2023 թվականի դեկտեմբերի 25-ի N զեկուցագրով հայտնել է հետևյալը.

«Երևանի կենդանաբանական այգի» ՀՈԱԿ-ի կարիքների համար էլեկտրական սարքավորումների ընթացիկ պահպանման ծառայությունների ձեռքբերման ԵՔԿԱ-ԳՀԾՁԲ-23/37 ծածկագրով գնման ընթացակարգի (այսուհետ՝ Ընթացակարգ) շրջանակներում մասնակցության հայտ է ներկայացրել «ԿՐԵԱՏԻՎ ՔՈՆՍՐԱԲՇՆ ԹԵՔՆՈԼՈԳԻ» ՍՊԸ-ն, որի մասնակցության հայտի գնահատման

արդյունքում հրավերով սահմանված վավերապայմանների նկատմամբ գնահատող հանձնաժողովի կողմից արածանագրվել են հետևյալ անհամապատասխանությունները՝ «ԿՐԵԱՏԻՎ ՔՈՆՍԹՐԱՔՇՆ ԹԵՔՆՈԼՈԶԻ» ՍՊԸ-ի կողմից ներկայացված Ընթացակարգին մասնակցելու դիմում-հայտարարության փաստաթղթում, համաձայն՝ Հավելված 1-ի, 2-րդ պարբերության 1-ին կետում նշված գնման ընթացակարգի ծածկագիրը՝ «ԵՔԿԱ-ԳՀԾՁԲ-23/16», չի համապատասխանում սույն գնման ընթացակարգի ծածկագրին՝ «ԵՔԿԱ-ԳՀԾՁԲ-23/37»:

Հանձնաժողովը որոշեց 12.12.2023թ. նիստը կասեցնել մեկ աշխատանքային օրով և նույն օրը համակարգի միջոցով ծանուցմամբ առաջարկել «ԿՐԵԱՏԻՎ ՔՈՆՍԹՐԱՔՇՆ ԹԵՔՆՈԼՈԶԻ» ՍՊԸ-ին մեկ աշխատանքային օրվա ընթացքում շտկել արձանագրված անհամապատասխանությունները՝ հիմք ընդունելով ՀՀ կառավարության 04/05/17թ. N 526-Ն որոշմամբ հաստատված «Գնումների գործընթացի կազմակերպման» կարգի 41-րդ կետով սահմանված պահանջները, սակայն «ԿՐԵԱՏԻՎ ՔՈՆՍԹՐԱՔՇՆ ԹԵՔՆՈԼՈԶԻ» ՍՊԸ-ի կողմից սահմանված ժամկետում չեն ներկայացվել արձանագրված թերությունների շտկված փարբերակները:

Հիմք ընդունելով վերոգրյալը՝ Հանձնաժողովը որոշեց «ԿՐԵԱՏԻՎ ՔՈՆՍԹՐԱՔՇՆ ԹԵՔՆՈԼՈԶԻ» ՍՊԸ-ի հայտը գնահատել անբավարար և մերժել՝ հիմք ընդունելով Կարգի 42-րդ կետով և «Գնումների մասին» ՀՀ օրենքի 34-րդ հոդվածի 1-ին մասով սահմանված պայմանները, իսկ «Գնումների մասին» ՀՀ օրենքի (այսուհետ՝ Օրենք) 6-րդ հոդվածի 2-րդ մասով սահմանված պահանջները կիրառելու նպատակով «ԿՐԵԱՏԻՎ ՔՈՆՍԹՐԱՔՇՆ ԹԵՔՆՈԼՈԶԻ» ՍՊԸ-ի հայտը մերժելու վերաբերյալ փեղեկափոխությունը ներկայացնել «Երևանի կենդանաբանական այգի» ՀՈԱԿ-ի փնօրենի ժ/պ-ին:

Հաշվի առնելով վերոգրյալը և հիմք ընդունելով Օրենքի 6-րդ հոդվածի 2-րդ մասով սահմանված պահանջները՝ առաջարկում ենք «ԿՐԵԱՏԻՎ ՔՈՆՍԹՐԱՔՇՆ ԹԵՔՆՈԼՈԶԻ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով կայացնել պատճառաբանված որոշում և հիշյալ որոշումը գրավոր ուղարկել ՀՀ ֆինանսների նախարարություն

«ԿՐԵԱՏԻՎ ՔՈՆՍԹՐԱՔՇՆ ԹԵՔՆՈԼՈԶԻ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով»:

2. Գործի քննության համար էական նշանակություն ունեցող փաստերը.

Ընթացակարգի քննության համար էական նշանակություն ունեն հետևյալ փաստերը.

1. «Երևանի կենդանաբանական այգի» ՀՈԱԿ-ի կարիքների համար 2023թ. նոյեմբերի 24-ին հայտարարված էլեկտրական սարքավորումների ընթացիկ պահպանման ծառայությունների ձեռքբերման ԵՔԿԱ-ԳՀԾՁԲ-23/37 ծածկագրով գնման ընթացակարգի շրջանակներում մասնակցության հայտ ներկայացրած «ԿՐԵԱՏԻՎ ՔՈՆՍԹՐԱՔՇՆ ԹԵՔՆՈԼՈԶԻ» ՍՊԸ-ի մասնակցության հայտի գնահատման արդյունքում հրավերով սահմանված վավերապայմանների նկատմամբ գնահատող հանձնաժողովի կողմից արձանագրվել են անհամապատասխանություններ:

2. Հանձնաժողովը 2023 թվականի դեկտեմբերի 12-ին նիստը կասեցրել է մեկ աշխատանքային օրով և նույն օրը համակարգի միջոցով ծանուցմամբ առաջարկվել է «ԿՐԵԱՏԻՎ ՔՈՆՍԹՐԱՔՇՆ ԹԵՔՆՈԼՈԶԻ» ՍՊԸ-ին մեկ աշխատանքային օրվա ընթացքում շտկել արձանագրված անհամապատասխանությունները:

3. Սահմանված ժամկետներում «ԿՐԵԱՏԻՎ ՔՈՆՍԹՐԱՔՇՆ ԹԵՔՆՈԼՈԶԻ» ՍՊԸ-ի կողմից չեն ներկայացվել արձանագրված թերությունների շտկված տարբերակները:

3. Պատվիրատուի ղեկավարի հիմնավորումները և եզրահանգումը.

Պատվիրատուի ղեկավար՝ «Երևանի կենդանաբանական այգի» ՀՈԱԿ-ի տնօրենի ժ/պ Ա. Հարությունյանս, ուսումնասիրելով Գնահատող հանձնաժողովի նախագահի կողմից 2023 թվականի դեկտեմբերի 25-ին ներկայացված զեկուցագիրը և կից փաստաթղթերը, հայտնում եմ հետևյալը.

Օրենքի 6-րդ հոդվածի 1-ին մասի 6-րդ կետի համաձայն Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած **պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը** կամ **գնման գործընթացին տվյալ մասնակցի հետագա մասնակցության դադարեցմանը** և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը,

բ. որպես ընտրված մասնակից հրաժարվել կամ զրկվել է պայմանագիր կնքելու իրավունքից:

Օրենքի 6-րդ հոդվածի 2-րդ մասի համաձայն Գնումների գործընթացին մասնակցելու իրավունք չունեցող մասնակիցների ցուցակը, այդ թվում՝ ռուսերեն, վարում և հրապարակում է լիազորված մարմինը: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում պատվիրատուի ղեկավարի պատճառաբանված որոշման հիման վրա: **Սույն մասում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին հայտարարությունը հրապարակելու օրվան հաջորդող տասն օրվա ընթացքում: Որոշումը կայացվելուն հաջորդող օրը այն տրամադրվում է լիազորված մարմին և մասնակցին:** Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում որոշումն ստանալուն հաջորդող քառասուներորդ օրվան հաջորդող հինգ օրվա ընթացքում, իսկ որոշումն ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում՝ տվյալ դատական գործով եզրափակիչ դատական ակտն ուժի մեջ մտնելու օրվան հաջորդող հինգ օրվա ընթացքում, եթե դատական քննության արդյունքով որոշման կատարման հնարավորությունը չի վերացել: Մասնակիցը նշված ցուցակում ընդգրկվում է ներառվելու օրվան հաջորդող օրվանից երկու տարի ժամկետով:

Կարգի 41-րդ կետի համաձայն, եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների

նկատմամբ ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը: Մասնակցին ուղարկվող ծանուցման մեջ մանրամասն նկարագրվում են հայտնաբերված անհամապատասխանությունները:

Կարգի 42-րդ կետի համաձայն, եթե Կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: Հակառակ դեպքում տվյալ մասնակցի հայտը գնահատվում է անբավարար և մերժվում է, ներառյալ եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացնում հայտի ապահովման բնօրինակը, իսկ ընտրված մասնակից է ճանաչվում հաջորդող տեղ զբաղեցրած մասնակիցը:

Օրենքի 34-րդ հոդվածի 1-ին մասի համաձայն, Հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Այսպես. «ԿՐԵԱՏԻՎ ՔՈՆՍԹՐԱԲՇՆ ԹԵՔՆՈԼՈԶԻ» ՍՊԸ-ի կողմից «Երևանի կենդանաբանական այգի» ՀՈԱԿ-ի կարիքների համար 2023 թվականի նոյեմբերի 24-ին հայտարարված էլեկտրական սարքավորումների ընթացիկ պահպանման ծառայությունների ձեռքբերման ԵՔԿԱ-ԳՀԾՁԲ-23/37 ծածկագրով գնման ընթացակարգին ներկայացվել է մասնակցության հայտ:

«ԿՐԵԱՏԻՎ ՔՈՆՍԹՐԱԲՇՆ ԹԵՔՆՈԼՈԶԻ» ՍՊԸ-ի կողմից մասնակցության հայտի գնահատման արդյունքում հրավերով սահմանված վավերապայմանների նկատմամբ գնահատող հանձնաժողովի կողմից արաձանագրվել են անհամապատասխանություններ:

Գնահատող հանձնաժողովը 2023 թվականի դեկտեմբերի 12-ին նիստը կատարել է մեկ աշխատանքային օրով և նույն օրը համակարգի միջոցով ծանուցմամբ առաջարկել է «ԿՐԵԱՏԻՎ ՔՈՆՍԹՐԱՔՇՆ ԹԵՔՆՈԼՈԶԻ» ՍՊԸ-ին մեկ աշխատանքային օրվա ընթացքում շտկել արձանագրված անհամապատասխանությունները:

Սահմանված ժամկետներում «ԿՐԵԱՏԻՎ ՔՈՆՍԹՐԱՔՇՆ ԹԵՔՆՈԼՈԶԻ» ՍՊԸ-ի կողմից չեն ներկայացվել արձանագրված թերությունների շտկված տարբերակները:

Ուսումնասիրելով հիմքերը, դրանք համադրելով առկա ապացույցների հետ՝ արձանագրում եմ, որ «ԿՐԵԱՏԻՎ ՔՈՆՍԹՐԱՔՇՆ ԹԵՔՆՈԼՈԶԻ» ՍՊԸ-ն թույլ է տվել Օրենքի 6-րդ հոդվածի 1-ին մասի 6-րդ կետի «ա» ենթակետի խախտում, քանի որ խախտել է **գնման գործընթացի շրջանակում ստանձնած պարտավորությունը, որը հանգեցրել է գնման գործընթացին տվյալ մասնակցի հետագա մասնակցության դադարեցմանը:**

Օրենքի 6-րդ հոդվածի 2-րդ մասի համաձայն ՀՀ ֆինանսների նախարարությունը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում Պատվիրատուի ղեկավարի պատճառաբանված որոշման հիման վրա:

Օրենքի 6-րդ հոդվածի 2-րդ մասի համաձայն Մասնակիցը գնումների գործընթացին մասնակցելու իրավունք չունեցող մասնակիցների ցուցակում ընդգրկվում է ներառվելու օրվան հաջորդող օրվանից երկու տարի ժամկետով:

Ելնելով վերոգրյալից և ղեկավարվելով Օրենքի 6-րդ հոդվածի 2-րդ մասով՝

ՈՐՈՇԵՑԻ

1. Գնահատող հանձնաժողովի նախագահի կողմից ներկայացրած հիմքերը՝ «ԿՐԵԱՏԻՎ ՔՈՆՍԹՐԱՔՇՆ ԹԵՔՆՈԼՈԶԻ» ՍՊԸ-ին գնումների գործընթացին մասնակցելու իրավունք չունեցողների ցուցակում ներառելու համար, գնահատել բավարար:

2. «ԿՐԵԱՏԻՎ ՔՈՆՍԹՐԱՔՇՆ ԹԵՔՆՈԼՈԶԻ» ՍՊԸ-ի ներքոնշյալ տվյալները համապատասխան հիմքերով գրավոր ուղարկել լիազորված մարմնին՝ ՀՀ

Ֆինանսների նախարարությանը, «ԿՐԵԱՏԻՎ ՔՈՆՍԹՐԱՔՇՆ ԹԵՔՆՈԼՈԶԻ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով.

Մասնակցի						
Անվանումը	ՀՎՀՀ/ ֆիզ. անձի դեպքում հանրային ծառայության համարանիշը	գործունեության հասցեն	գնումների գործընթացին մասնակցելու պայմաններին չբավարարելու իրավական հիմքը			ցուցակում ներառելու մասին պատվիրատուի ղեկավարի կայացրած որոշման ամսաթիվը և գնման ընթացակարգի ծածկագիրը
			խախտել է գնման գործընթացի շրջանակում ստանձնած պարտավորությունը, որը հանգեցրել է գնման գործընթացին տվյալ մասնակցի հետագա մասնակցության դադարեցմանը	խախտել է պայմանագրով նախատեսված պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը	որպես ընտրված մասնակից հրաժարվել կամ զրկվել է պայմանագիր կնքելու իրավունքից	
«ԿՐԵԱՏԻՎ ՔՈՆՍԹՐԱՔՇՆ ԹԵՔՆՈԼՈԶԻ» ՍՊԸ	ՀՎՀՀ 00913037	ք. Երևան, Նոր Նորք, Գալշոյան փ 4/1/2 տարածք	X			25.12.2023թ. ԵՔԿԱ-ԳՀԾՁԲ-23/37

3. Սույն որոշումն ուժի մեջ է մտնում ստորագրման օրվան հաջորդող օրը:

ՏՆՕՐԵՆԻ Ժ/Պ



Ա. ՀԱՐՈՒԹՅՈՒՆՅԱՆ

